



REPUBLIKA E SHQIPËRISË
**AUTORITETI I KOMUNIKIMEVE ELEKTRONIKE DHE POSTARE
KËSHILLI DREJTUES**

V E N D I M

Nr.75, datë 1.10.2018

PËR

**“RREGULLIMIN E TARIFAVE TË SIPËRMARRËSIT ALBTELECOM SH.A. ME
FUQI TË NDJESHME NË TREG PËR TREGUN ME SHUMICË TË TERMINIMIT
DHE TRANZITIMIT TË THIRRJEVE NË RRJETIN FIKS ALBTELECOM”**

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Ilir	Zela	Kryetar
2. Z. Alban	Karapici	Anëtar
3. Znj. Edlira	Dvorani	Anëtar
4. Znj. Ketrin	Topçiu	Anëtar
5. Znj. Klarina	Allushi	Anëtar

dhe sekretare Znj. _____, në mbledhjen e datës __.__.2018, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, dhe Rregullore e Brendshme për Funksonimin e Këshillit Drejtues të AKEP, miratuar me Vendim Nr.7, date 16.02.2017 të Këshillit Drejtues të, shqyrtoi çështjen me objekt:

“Rregullimin e tarifave të sipërmarrësit Albtelecom Sh.a. me Fuqi të Ndjeshme në Treg për tregun me shumicë të terminimit dhe tranzitimit të thirrjeve në rrjetin fikse Albtelecom”

Dokumentacioni i DTMRr përbëhet nga:

- Projekt vendimi;
- Relacioni Shoqërues i projekt vendimit;
- Dokumenti: *“Rregullimi i tarifave të sipërmarrësve me FNT në tregjet me shumicë të terminimit dhe tranzitimit të thirrjeve në rrjetet fikse - Dokumenti Përfundimtar”*.

BAZA LIGJORE:

1. Nenet 55 e në vijim i Kreut VI të ligjit nr. 9918, datë 19. 05. 2008 “Për Komunikimet Elektronike në Republikën e Shqipërisë” i ndryshuar (**ligji nr. 9918**);
2. Rregullore Nr.9 “Për Analizën e Tregut”, miratuar me VKD nr.747, date 17.07.2009, e ndryshuar;
3. VKD Nr.21 datë 30.03.2018, Për “*Miratimin të Dokumentit: Analizë e tregut të telefonisë fikse: tregjet me shumicë të terminimit dhe tranzitimit të thirrjeve në rrjetet telefonike publike fikse – Dokument Përfundimtar*”;
4. VKD Nr.22, datë 30.03.2018, Për “*Përcaktimin e sipërmarrësit Albtelecom Sh.a., me Fuqi të Ndjeshme në Treg dhe vendosjen e masave rregulluese për shërbimet e terminimit dhe tranzitimit të thirrjeve në rrjetet fikse*”;
5. Vendimi i Këshillit Drejtues të AKEP (VKD) Nr.74, datë 1.10.2018, “*Rregullimi i tarifave të sipërmarrësve me FNT në tregjet me shumicë të terminimit dhe tranzitimit të thirrjeve në rrjetet fikse – Dokument përfundimtar*”.

K Ë SH I L L I D R E J T U E S:

Nga shqyrtimi i materialit shkresor, të përbërë nga:

1. Projekt-vendimi për “*Rregullimin e tarifave të sipërmarrësit Albtelecom Sh.a. me Fuqi të Ndjeshme në Treg për tregun me shumicë të terminimit dhe tranzitimit të thirrjeve në rrjetin fikse Albtelecom*”;
2. Dokumenti: “*Rregullimi i tarifave të sipërmarrësve me FNT në tregjet me shumicë të terminimit dhe tranzitimit të thirrjeve në rrjetet fikse - Dokumenti Përfundimtar*”;
3. Relacioni shpjegues për Projektvendimin (**Relacioni**).

si dhe nga diskutimet në mbledhje mbi çështjen, dhe duke iu referuar bazës ligjore të sipërcituar :

V Ë R E N:

1. Këshilli Drejtues i AKEP me Vendimin Nr.21 datë 30.03.2018 Për “*Miratimin të Dokumentit: Analizë e tregut të telefonisë fikse: tregjet me shumicë të terminimit dhe tranzitimit të thirrjeve në rrjetet telefonike publike fikse – Dokument Përfundimtar*” dhe me Vendimin Nr. 22, datë 30.03.2018, për “*Përcaktimin e sipërmarrësit Albtelecom Sh.a., me Fuqi të Ndjeshme në Treg dhe vendosjen e masave rregulluese për shërbimet e terminimit dhe tranzitimit të thirrjeve në rrjetet fikse*”, ka përcaktuar Albtelecom sh.a sipërmarrës me FNT në tregun përkatës me shumicë të terminimit dhe tranzitimit të thirrjeve në rrjetin fikse të Albtelecom.
2. Këshilli Drejtues AKEP, pas procedurës 30 ditore të këshillimit publik, me Vendimin Nr.74, datë 1.10.2018, miratoi dokumentin “*Rregullimi i tarifave të sipërmarrësve me FNT në*

tregjet me shumicë të terminimit dhe tranzitimit të thirrjeve në rrjetet fikse - Dokumenti Përfundimtar”. Ky dokument:

- a) është përgatitur në përputhje me nenin 55 të Ligjit 9918 pas procedurës së këshillimit publik dhe ka marrë në konsideratë komentet e dërguara nga palët e interesuara, përfshirë Albtelecom, dhe komentet kryesore dhe qëndrimi i AKEP për komentet është pjesë e tij (Aneks 1);
 - b) ka marrë në konsideratë praktikën më të mira në vendet e BE dhe rajonit dhe kushtet e tregut Shqiptar;
 - c) është përgatitur në përputhje me përcaktimet në dokumentin “Analizë e tregut të telefonisë fikse: tregjet me shumicë të terminimit dhe tranzitimit të thirrjeve në rrjetet telefonike publike fikse” – Dokument Përfundimtar”, miratuar me VKD Nr.21, datë 30.03.2018, dhe përcaktimet e VKD Nr. 22, datë 30.03.2018, për “Përcaktimin e sipërmarrësit Albtelecom Sh.a., me Fuqi të Ndjeshme në Treg dhe vendosjen e masave rregulluese për shërbimet e terminimit dhe tranzitimit të thirrjeve në rrjet fikse dhe vendosjen e masave rregulluese”;
 - d) përmban arsyetimin për metodat e rregullimit të tarifave me shumicë të terminimit dhe tranzitimit të thirrjeve të sipërmarrësve me FNT të rrjetin fiks.
3. Dokumenti “Rregullimi i tarifave të sipërmarrësve me FNT në tregjet me shumicë të terminimit dhe tranzitimit të thirrjeve në rrjetet fikse” i miratuar me VKD Nr.74, datë 1.10.2018, shërben si pjesë arsyetuese për marrjen e këtij vendimi për rregullimin e tarifave të Albtelecom sh.a i përcaktuar me FNT me VKD Nr.22, datë 30.03.2018.

PËR KËTO ARSYE:

Duke marrë në konsideratë rëndësinë e miratimit të dokumentit të cituar me lart, bazuar në pikën 1 të nenit 114, dhe pikën 1 të nenit 115 të ligjit nr. 9918, “Për Komunikimet Elektronike në Republikën e Shqipërisë” i ndryshuar;

V E N D O S:

1. Në përputhje me pikën 1/a të nenit 57 të Ligjit 9918 “Për Komunikimet Elektronike në Republikën e Shqipërisë” i ndryshuar, metoda e rregullimit të tarifave të Albtelecom sh.a i përcaktuar me FNT¹ në tregun me shumicë të terminimit dhe tranzitimit të thirrjeve në rrjetin fiks të Albtelecom, është përcaktimi i nivelit maksimal sipas vlerave dhe afateve të mëposhtme:

Tarifat në tregun me shumicë të terminimit dhe tranzitimit në rrjetin fiks Albtelecom	Aktuale	01.12.2018	01.12.2019 – deri në një Vendim tjetër të AKEP
Tarifa e terminimit në segmentin Lokal/Njëfish	1.29	1.00	0.70
Tarifa e tranzitimit kombëtar	0.81	0.63	0.44

Shënim: Tarifat në Lek/Minutë pa TVSH

2. Të njoftohet sipërmarrësi Albtelecom sh.a për zbatimin e këtij vendimi.

¹ VKD nr.22, datë 30.03.2018.

3. Ky Vendim të publikohet në faqen e internetit të AKEP: www.akep.al.
4. Kundër këtij vendimi lejohet ankim në Gjykatën Administrative të shkallës së parë Tiranë brenda 45 ditëve nga data e publikimit të vendimit në faqen zyrtare të internetit të AKEP.

Ky vendim hyn në fuqi në datën e publikimit të tij.

K R Y E T A R

I I r Z E L A

ANËTARË:

1. Alban KARAPICI
2. Edlira DVORANI
3. Ketrin TOPÇIU
4. Klarina ALLUSHI